



TEKS UCAPAN ALUAN

OLEH:

**YBHG. DATO' DR. ZAINAH BINTI IBRAHIM
TIMBALAN KETUA PENGARAH
(PEMBANGUNAN)
PLANMalaysia
(Jabatan Perancangan Bandar dan Desa)**

SEMPENA:

**HARI PERANCANGAN BANDAR SEDUNIA
2019
PERINGKAT NEGERI TERENGGANU**

PADA:

**2 NOVEMBER 2019
BERSAMAAN 5 RABIUL AWAL 1441H**

BERTEMPAT DI:

**PERUMAHAN FLAT DESA KG FIKRI,
MAK LAGAM, KEMAMAN**

بِسْمِ اللَّهِ الرَّحْمَنِ الرَّحِيمِ

Assalamualaikum Warahmatullahi
Wabarakatuh dan selamat
sejahtera.

Terima kasih Saudara Pengacara
Majlis,

YB DR. HAJI ALIAS BIN RAZAK,
Pengerusi Jawatankuasa Kerajaan
Tempatan, Perumahan, Kesihatan
dan Alam Sekitar Negeri
Terengganu,

**YB HAJI AHMAD SHAH BIN
MUHAMED**

Timbalan Pengerusi Jawatankuasa
Kerajaan Tempatan, Perumahan,

Kesihatan dan Alam Sekitar Negeri Terengganu,

YBRS. TUAN HAJI WAN MOHD ZAKI BIN WAN ABDULLAH,

Yang Dipertua Majlis Perbandaran Kemaman,

YBRS. TPR. GS HAJI MOHD ALI BIN ABU BAKAR

Pengarah PLANMalaysia@Terengganu selaku penganjur Sambutan HPBS 2019 Peringkat Negeri Terengganu,

Yang Berbahagia Pegawai-Pegawai Daerah,

Yang DiPertua-Yang DiPertua dan Setiausaha-Setiausaha semua Pihak Berkuasa Tempatan Negeri Terengganu

Ketua-ketua Jabatan Kerajaan Persekutuan dan Kerajaan Negeri,

Seterusnya Tuan-tuan dan Puan-puan sekalian yang terdiri daripada para jemputan dan warga komuniti Perumahan Flat Desa Kg. Fikri.

PENDAHULUAN

1. Alhamdulillah, syukur kita ke hadrat Allah swt kerana dengan

limpah kurniaNya, kita telah diberi ruang dan kesempatan bersama-sama pada pagi ini bagi menyambut **Hari Perancangan Bandar Sedunia (HPBS) tahun 2019 Peringkat Negeri Terengganu.**

2. Terlebih dahulu, saya ingin mengucapkan setinggi-tinggi penghargaan kepada **Yang Berhormat Dr. Haji Alias bin Razak**, yang sudi melapangkan masa untuk hadir merasmikan

program **“Komuniti
Lestari@Kemaman”** pada pagi
ini. Kehadiran YB EXCO amatlah
dihargai sekaligus
menggambarkan komitmen dan
sokongan yang tinggi Kerajaan
Negeri Terengganu dalam aspek
perancangan bandar dan desa
serta kelestarian alam
semulajadi.

3. Ucapan terima kasih juga kepada
Tuan Yang Dipertua Majlis
Perbandaran Kemaman di atas

segala kerjasama yang telah diberikan bagi menjayakan sambutan HPBS pada hari ini.

4. Tidak ketinggalan juga ucapan terima kasih kepada Ketua-Ketua Jabatan dan Agensi di peringkat persekutuan, negeri dan daerah, wakil-wakil Jabatan, serta pemimpin-pemimpin masyarakat kerana sudi melapangkan masa untuk bersama-sama bagi meraikan Hari Perancangan

Bandar Sedunia Tahun 2019
Peringkat Negeri Terengganu.

***YANG BERHORMAT,
DATO'- DATO', TUAN-TUAN DAN
PUAN-PUAN YANG
DIHORMATI SEKALIAN.***

**LATAR BELAKANG SAMBUTAN
HARI PERANCANGAN BANDAR
SEDUNIA (HPBS) 2019**

5. Sambutan Hari Perancangan Bandar Sedunia atau dikenali sebagai HPBS ialah hari istimewa untuk juru rancang bandar (town

planner) bagi memperingati peranan dan sumbangan mereka dalam melaksanakan pembangunan mampan. Ianya bermula dari cetusan idea *Prof Carlos Maria Della Paolera*, seorang cendekiawan perancangan bandar terkenal dari Argentina pada tahun 1949 yang menetapkan 8 November setiap tahun sebagai Hari Perancangan Bandar Sedunia. Namun, bagi PLANMalaysia sepanjang bulan November dianggap sebagai

Bulan Perancangan Bandar Sedunia. Jabatan Perancangan Bandar dan Desa atau kini dikenali sebagai PLANMalaysia menjadikannya acara tahunan semenjak tahun 1988.

JUSTIFIKASI TEMA SAMBUTAN HPBS 2019

6. Tema sambutan HPBS pada tahun ini adalah ***“Green And Community: Together Is Better”*** iaitu pendekatan ke arah merancang dan melaksanakan

pembangunan yang mampan serta mendidik masyarakat akan kepentingan memelihara alam sekitar ke arah persekitaran yang kondusif dan lestari.

7. *Green* atau Hijau yang dimaksudkan adalah berkaitan dengan **Teras 2** dalam **Rancangan Fizikal Negara Ke-3 (RFN-3)**, iaitu **Kemampuan Spatial dan Daya Tahan Terhadap Perubahan Iklim** dimana sasaran Malaysia untuk

mencapai Negara Rendah Karbon dengan pengurangan sebanyak 50 peratus pelepasan gas karbon dioksida pada tahun 2040.

8. *Community* pula menggambarkan masyarakat yang perlu bersama-sama dengan pihak Kerajaan dalam usaha-usaha menggiat dan melaksanakan inisiatif-inisiatif kerajaan ke arah pembentukan

komuniti inklusif dan berdaya
huni.

***YANG BERHORMAT,
DATO'- DATO', TUAN-TUAN DAN
PUAN-PUAN YANG
DIHORMATI SEKALIAN.***

SAMBUTAN HPBS 2019

9. Majlis Sambutan HPBS 2019
Peringkat Kebangsaan kali ini
akan diadakan di **Dataran
Kemerdekaan Shah Alam,
Selangor pada 10 November
2019 (Ahad)**. Untuk makluman,

PLANMalaysia telah juga melaksanakan sambutan HPBS di setiap negeri bermula di Negeri Perlis pada 24 September 2019 (Selasa) dan akan berakhir di Negeri Kelantan pada 14 November 2019 (Khamis). Pada hari ini, sambutan HPBS diadakan serentak di tiga (3) buah negeri iaitu Negeri Terengganu, Melaka dan Negeri Sembilan.

10. Selaras dengan tema sambutan pada tahun ini, PLANMalaysia telah mensasarkan penanaman

sebanyak **3,000 batang pokok** dengan penglibatan 10,000 orang di seluruh negeri. Difahamkan sempena Sambutan HPBS Peringkat Negeri Terengganu pada tahun ini, Negeri Terengganu telah memberikan komitmen untuk menanam sebanyak **500 batang pokok** di seluruh Negeri. Tahniah kepada Kerajaan Negeri Terengganu.

11. Selaras dengan HPBS, Kementerian Wilayah Persekutuan melalui PLANMalaysia juga telah mengadakan program **Anugerah Kejiranan Hijau dan Penghargaan Bandar Mampan (MURNInets)** bagi memberi galakan kepada Kerajaan Negeri dan Pihak Berkuasa Perancang Tempatan (PBPT) untuk meningkatkan kualiti kehidupan masyarakat melalui program-program penghijauan dan

penglibatan penduduk setempat. Pemenang-pemenang akan diisytiharkan dalam Majlis HPBS Peringkat Kebangsaan yang akan diadakan di Dataran Kemerdekaan Shah Alam pada 10 November nanti.

WAWASAN KEMAKMURAN BERSAMA 2030 (WKB2030)

12. Pada 5 Oktober yang lalu, Kerajaan Persekutuan telah melancarkan **Wawasan Kemakmuran Bersama 2030**

(WKB2030). WKB2030 ialah dokumen yang menggariskan matlamat 10 tahun untuk menjadikan **Malaysia sebagai sebuah negara yang terus membangun secara mampan seiring dengan pengagihan ekonomi yang adil, saksama dan inklusif.**

13. Turut disentuh dalam WKB 2030 adalah Aktiviti Ekonomi Hijau, yang merangkumi aktiviti seperti pengangkutan lestari, jaminan

bekalan makanan, bandar pintar dan lestari, dan teknologi adaptasi iklim. Ekonomi hijau juga merujuk kepada pembentukan sebuah ekonomi kitaran yang mampu beroperasi tanpa sisa buangan iaitu *zero waste*.

14. Adalah menjadi tanggungjawab kita sebagai penjawat awam dan anggota masyarakat untuk menggembeleng tenaga bagi menjayakan WKB 2030 kepada

Kerajaan Negeri dan Pihak Berkuasa Perancang Tempatan, dokumen ini boleh menjadi wadah baharu dalam merealisasikan komuniti rendah karbon yang dicita dan diusahakan selama ini di kawasan pentadbiran masing-masing dengan lebih efisien.

PENUTUP

***YANG BERTHORMAT,
DATO'- DATO', TUAN-TUAN DAN
PUAN-PUAN YANG
DIHORMATI SEKALIAN.***

15. Sebagai mengakhiri ucapan saya ini, sekali lagi saya ingin merakamkan ucapan jutaan terima kasih tidak terhingga khususnya kepada Kerajaan Negeri Terengganu di atas komitmen dan sokongan padu yang telah diberikan. Seterusnya kepada semua yang terlibat secara langsung ataupun tidak langsung dalam menjayakan Majlis Sambutan Hari Perancangan Bandar Sedunia

Peringkat Negeri Terengganu
bagi tahun 2019.

16. Semoga setiap usaha dan tenaga yang telah dicurahkan, akan mendapat keberkatan daripada Yang Maha Esa jua. Berbekalkan doa dan harapan, agar kesinambungan persekitaran hidup yang berkualiti dan mampan dapat terus dikecapi oleh seluruh pewaris bangsa di masa hadapan.

وَبِاللَّهِ التَّوْفِيقِ وَالْهُدَايَةِ السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

Sekian, terima kasih.